



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Het Leven Vande H. Maghet Geertrvyt Abdisse Tot Eisleben

Gertrudis <de Helfta>

T'Hantvverpen, [1607]

Vanden daet van eenen goeden wille, ende vande oeffeninghe vande vijf wonden om de heele Kercke te voeden. Dat XXI. Capittel.

**urn:nbn:de:hbz:466:1-43080**

Vanden daet van eenen goeden wille, ende vande  
oeffeninghe vande vijf wonden om de heele  
Kercke te voeden.

## DAT XXI. CAPITTEL.

**O**p de Sondagh Lætare, alsse wederom be-  
gheerde vanden Heere onderwesen te wor-  
den/waer in datse haer r' sijnder eeren loffelijc-  
ste soude moghen oeffenen. De Heere heeft  
gheseyt: Bzenghtse tot my die ghy ouer seuen  
daghen verciert hebt met het circaet van mijn  
leuen/want sy sullē met my eten. Waer op sy:  
Hoe sal ick dat te weghe bzenghen? Sekerlijcs  
hoe wel dat ick onweerdigh ben/coste ick tot v  
mijnen Heere inbzenghen alle de mensche met  
de welke ghy v gheweerdigh v wellusten te  
hebben/ ick soude gheerne van nu af / tot den  
dagh des oordeels toe/berboets de wereltd om  
loopen / ende elck van henlieden (inde welke  
ghy o soeticheydt misjnder sielen gheweerdigh  
v wellusten te hebben ) op mijn armen nēme  
de dien v presenteren : op dat ick ommer v soo  
eenighsins soude moghen voldoen de ommer-  
lijcke begheerten vande soeticheydt utwer Gods  
delijcker liefde. Daer-en-bouen waert moge-  
lijck/ ick soude mijn herte willen deplen in soo  
veel stucken alser menschen leuen : op dat ick  
daer door aen elck een soude moghen medede-  
len den goeden wille: om v ghehoorzacim te zyn  
na het beste behaghen van v Goddelijc herte.  
Waer op de Heere : Sulcke v aengename ende  
in alles volcomen wille die ghenoecht my.  
Ende terstondt heeftse ghesien dat de heele  
Kercke die wonderlijck verciert was / stondt  
als

De daet  
van eenē  
goeden  
vville.

als gepresenteert vooz den Heere. Ende de Heere heeft gheseyt: Dese menighe sult ghy heden bliuen. Ende sy is ter stonnds dooz ingheuen Gods gheballen aen de voeten des Heeren/ ende sy custe de wonde vanden sincker doet des Heeren/ tot een versoeninghe vooz alle de sonden die vande heele Kercke opt dooz gepes sen/ begheerten/ oft berkeerde wille ghedaen zyn: bidde den Heere dat hy haer wilde geuen de weerdighe versoeninghe/ waer dooz hy alle de sonden des wereltds ghesuyuert heeft/ tot waerachtighe versoeninge. Ende siet soo werdt ter stondt aen de siele gegeuen de daet vant ghebedt/ inde gelijkenisse van een voot/ het welk sy ter stondt aen den Heere ghegeuet heeft dooz danckbaerheyt. Maer de Heere dat minnelijk ontfanghende / syn ooghen opwaerts slaende/ ende Godt den Vader deuotelijk danckende/ heeft het ghebenedydt. Ende daer na heeft hyt haer wederom ghegeuen ont dat die dat wtreyken soude aen alle de Kercke. Daer na cussende de wonden vanden rechter doet des Heeren/ tot een verbullinghe van alle dat de heele Kercke versuynt heeft/ inde oeffeninghe van profijtelijke ghepersen/ ende goede begheerten/ ende heylighe wille / batse den Heere dat hy soude schencke aen de heele Kercke de weerdighe verbullinghe/ waer dooz hy alle de schult vant menschelech gheslachte betaelt heeft / tot verbullinghe van hun onachtsaenheyt. Daer na cussende de wonden vanden sincker handt met de alderdenoetste meyninghe tot verbeteringhe van alle de sonden die de wereltd ghedaen heeft / met woorden / ende wercken / badt sy wederom den Heere dat hy sen de Kercke soude gheuen die weerdighe

Een ghe  
vruchtig  
oeffenin  
ge tot de  
vijf von  
den om  
die heele  
Kercke te  
voeden

verbeteringhe / waer dooz hy alle de sonden  
 van onse woorden / en wercken versoent heeft  
 tot een waerachtighe verbeteringhe. Daer na  
 oock cussende de wonde vande rechter handt  
 des Heere / tot verbullinge van alle de onacht-  
 saemheden vande heele Kercke diese ghedaen  
 heeft met achterlaten van profytelycke woor-  
 den ende goede wercken : heeft sy den Heere ge-  
 beden / dat hy hem soude gheweerdighen syn  
 weerdichste volmaectheyt te schencken / tot  
 boldoeninghe vande heele Kercke. Ende soose  
 tot elck van dese H. wonden een broot ontfan-  
 ghen hadde / ende dat den Heere ghepresentert  
 hadde / soo heeft de Heere welckens dat ghebe-  
 nedicht hebbende / haer wederom gegenen om  
 aen de Kercke wt te repcken. Ten lesten isse  
 ghecomen tot de wonde der liefden vande sijde  
 Jesu Christi / ende die met het grondighste van  
 haerder herte / cussende vatte den Heere dat hy  
 dooz de ouerbloedicheyt van sijn Goddelijcke  
 goedertierenheyt / na weerdighe beternisse vooz  
 de sonden ende ghenoeghsamen boldoeninge der  
 besuytelijckheden nu oock hem soude ghe-  
 weerdighen sy te boeghen tot een ophoopinge  
 der ewigher glorie aen de bruyt sijn H. Kercke  
 alle de verdiensten van sijn heyligh leue / waer  
 mede hy in sijn seluen alderweerdelijcke blinct  
 inde tegenwoordicheyt van Godt den Vader.  
 Het welck alse met verheughen vercreghen  
 hadde vande goedertierenste miltheyt Godts /  
 soo heeftse dat wtghereyekt vooz het vijfde  
 broodt / ghelijckmen plochte aen de edele Hee-  
 ren / die nu met verscheden spissen ouerbloe-  
 digh verlaeydt zijn confituren / appelen oft an-  
 der leckere dingen / alleenlijck om den appetijt  
 te verwecken / vooz te stellen. Ende sy heeftse  
 ghes

gheſeyt tot den Heere: O mynen Heere wat ge-  
 weerdicht ghy b nu my te gheuen booz de liſ-  
 kens daer men af leeft heden int Euangelie: op  
 dat ick die mochte b huyt de Kercke boozſtel-  
 len: De Heere antwoorde: De heylighe beſe-  
 ninghe van alle de litmaten van mijn onbe-  
 bleekt lichaem die ſchencke ic b om aen haer  
 die wt te repcken booz alle de onachtſaemhe-  
 de / waer dooz sy berſuyt heeft met alle haer  
 crachten ende ſinnen haers lichaems my te  
 dienen / ende daer by de oefſeninghe van mijn  
 edelſte ſiele booz alle de onachtſaemheyt / waer  
 dooz sy berſuyt heeft my ſonder ophouwe te  
 louen ende te dancken booz ele weldaet. Ende  
 booz dat bouen gheſeyt is / hoe dat de Heere de  
 hzooden nemende Godt den Vader bedantte /  
 heeftſe verſtaen: dat als yemandt tot Godts  
 eere eenigh werck ten eynde brenghet / hoe cleyn  
 dat het oock zy / al en laſe hy maer eenen Pater  
 noſter oft Aue Maria, oft eenigh ander ghebedt  
 oft Psalm van wegghen oft booz de ſalicheydt  
 bande heele heylighe Kerck / den Sone Godts  
 die ontfanght dat terſtondt als ſeer aenghe-  
 naem booz een brycht van ſyn volmaeckſte  
 menſcheyt / ende hy bedaucht daer booz Gods  
 ſynen Vader / ende hy ghebenedydt het / ende  
 booz de benedictie dat vermenichfuldicht zyn-  
 de / repcht hy dat wt aen de heele Kercke / tot  
 boozderinghe bande ewighe ſaligheyt. Elck  
 een oock ſal moghen leſen deſe welte byſ Pater  
 noſters ter eeren bande ſoetbloepende wonder  
 des Heeren / ende biddende / ſo elck van die / opt  
 deuotelyckſte cuſſen / ghelyck gheſeyt is / tot  
 verſoeninghe van alle de ſonden bande heele  
 Kercke / eude oock tot boldoeninghe van alle  
 haer berſuytelijckheden / ende ſoo magh hy

Hoe dat  
 de vrucke  
 vande  
 menſch-  
 vvoordin-  
 ge Chriſti  
 door ons  
 vermeer-  
 dert vord

booz  
 vord  
 vord  
 vord  
 vord  
 vord

booz  
 vord  
 vord  
 vord  
 vord

betrouwen dat hy ooc dooz de barmherticheyt  
Godts diergheliche vruchten sal ontfanghen.

Hoe datmen de litmaten des Heeren sal groeten,  
hem offerende alle ons voorspoet ende regen-  
spoet, ende hoe datmen in plaetse van het spij-  
gigh verwijt den Heere sal minnelijckheyde  
betoonen, ende vande vvonderlijcke vruchte  
van sulcks.

DAT XXII. CAPITTEL.

**A**lsse op den Sondagh Iudica, ter eeret  
bande Passie des Heerē/ daermen sonder-  
linghe op dien dagh af begint ghedachtenisse  
te houtwen/ haer heel na siel ende lichaem den  
Heere ouerghegeuen hadde / om te verdraghen  
ende te volbrēghen / soo inden lichame als in  
den Gheest / sulcks als de Goddelijcke wille  
van haer behaeghde / soo scheen de Heere sulck  
haren wille met een ontwsprekelijcke aenghe-  
naemheyt te aenbeerden. Maer sy als sulcks  
haer van Godts weggen haer ingegeuen zyn-  
de / heeft begoft doozt innighste van haer affec-  
tie te groeten elck besonder litmaet des Heerē.  
De welcke litmaten om onser salicheydt wil  
dooz verscheyden pynen zyn ghepijnicht ghe-  
weest / waerom alsse eenigh litmaet groete / ter-  
stondt soo quam van dat een claerheyt die  
haer siele doozstraelde / ende inde claerheyt soo  
werdt haer ghegeuen die onnooselheyt / die de  
Heere vooz de H. Kercke vercregen hadde dooz  
het lijden van dat lidtmaet. Als van de siele  
dooz elck litmaet des Heeren wonderlijc dooz-  
straelt werdt / ende opt weerdighste verciert  
met de onnooselheyt Christi / soo heeftse tot den  
Heere

Een Gode  
vruchtige  
groetenis  
der litma-  
te Christi

De vruchte  
van dese  
groetenis